

名譽主編・季羨林

中國少數民族古籍集成（漢文版）

四川民族出版社

名譽主編・季羨林

主編・徐麗華

中國少數民族古籍集成 (漢文版)

《第六十七冊》

四川民族出版社

本冊目錄

(接上冊)
欽定皇輿西域圖志

〇〇一

漢以後西北各民族・近代分述

仁恕堂筆記

六〇五

麥積山石窟志

六一〇

段氏沙州記

六三七

甘肅雜志

六四三

仇池國志

六五七

蘭州古今注

六七九

玉樹志略

六九四

欽定皇輿西域圖志卷之九目錄

疆域二 安西北路一

哈密屬

哈密

蘇木哈喇核

阿斯喀納

托郭棲

拉布楚喀

哈喇都伯

欽定皇輿西域圖志 卷九 目錄

賽巴什達里雅

格子烟墩

星星峽

多都摩核

德都摩核

塔勒納沁

半池泉

柳樹泉

博羅圖阿瑞

中國少數民族古籍集成(漢文版)

欽定皇輿西域圖志

察罕和羅海

內勒滾

阿薩爾圖

伊里克庫木

察克瑪克喀什

額什墨

鎮西府屬

鎮西府治

宜禾縣治

欽定皇輿西域圖志 卷九 目錄

鏡兒泉

木城

三塘

石人子

奎蘇

松樹塘

沙山子

呼濟爾台

圖古里克

哈喇和屯

庚濟

庫爾墨圖

西里克拜姓

噶順

奇臺縣治

濟爾瑪台

木壘

伊勒巴爾和碩

欽定皇輿西域圖志 卷九 目錄

阿克塔斯

烏蘭烏蘇

格根

吉布庫

鏗格爾

古城

都爾伯勒津

乾溝

蘇博阿拉

阿濟

必濟

華烏里雅蘇台

察罕察奇爾圖

阿拉克椿集

奎屯郭勒圖

蘇魯圖

色爾克

哈布塔克

欽定皇輿西域圖志 卷九 目錄

拜塔克

欽定皇輿西域圖志卷之九

疆域二

安西北路一

哈密屬。東至塔勒納沁。接喀爾喀界。西至哈喇都伯。通天山南路。開展屬界。西南至半池泉。星峽。博羅圖阿端。接安西南路。安西州界。南至沙磧。北至天山。接鎮西府界。

哈密

哈密。在安西州城西北八百七十里。距京師七

欽定皇輿西域圖志

卷九

疆域二

一

千一百八十里。城二。其舊城周四里。東北二門。康熙五十六年建。城東有水西南流。新城雍正五年建。周里許。東西北三門。爲官兵駐防之所。東關干水。西賽巴什湖。夾流十餘里。匯於新城之南。曰南湖。二城皆北倚大山。三面平曠。所居回民。以耕牧射獵爲生。田疇沃衍。園林蕃廩。氣候溫暖。泉甘土肥。山泉競發。巨細不一。伏流或數十里。或百里許出地。引渠溉田。城外東西兩關。地當孔道。商民輻輳。號稱殷庶。其地於漢屬

中國少數民族古籍集成（漢文版）

欽定皇輿西域圖志

〇〇三

匈奴。號伊吾盧。後漢時始內附爲伊吾。魏入蠕蠕。隋置伊吾郡。旋屬突厥。唐置西伊州。改伊州。五代時號胡盧噴。宋入回鶻。元爲威武王分鎮之所。明設哈密衛。後入土爾番。

本朝康熙三十五年。回酋額貝都勒拉。遣貢駝馬及刀。三十六年。額貝都勒拉。遣子郭帕伯克擒噶勒丹子色布騰巴勒珠爾來獻。其地始內屬。後漢書西域傳。永平十六年。明帝命將帥北征匈奴。取伊吾盧地。遂通西域。章帝二年。匈奴遣兵守伊吾地。和帝永元元年。大將軍竇憲破匈奴。二年。憲遣副校尉閼槃。掩擊伊吾。破之。安帝元初六年。遣行長史索班將千餘人屯伊吾以招撫之。於是車師前王及鄯善王來降。自敦煌西出玉門。湯關涉鄯善。北通伊吾千餘里。伊吾地宜五穀。桑麻蒲萄。漢常與匈奴爭車師。伊吾以制西域。

魏書高昌傳。太和五年。高昌立馬儒爲王。二十一年。表求內徙。高祖納之。遣韓安保赴之。割伊

欽定皇輿西域圖志

卷九

疆域二

二

吾五百里。以儒居之。蠕蠕傳其西則焉耆之地。東則朝鮮之地。北則渡沙漠。南則臨大磧。其常所會庭。則敦煌張掖之北。小國皆苦其寇抄。羈縻附之。

隋書薛世雄傳世雄爲玉門道行軍大將。與突厥啟民可汗連兵擊伊吾。師次玉門。啟民可汗不至。世雄孤軍渡磧。伊吾初謂隋軍不能至。皆不設備。及聞世雄兵已渡磧。大懼。請降。世雄遂於漢舊伊吾城東築城。號新伊吾。留銀青光祿

欽定皇輿西域圖志卷九 疆域二

大夫王威以甲卒千餘人戍之而還。西突厥傳

東拒都斤。西越金山。龜茲鐵勒伊吾悉附之。

元和志古伊州。貞觀四年內附。於其地置伊州。州境東西一千一十五里。南北四百九十里。西南至西州七百三十里。東南取莫賀磧路至瓜州九百里。正南微東至沙州七百里。領縣三。伊吾。納職。柔遠。

唐書地理志伊州。伊吾郡本西伊州。貞觀六年更名伊吾。貞觀四年置。并置柔遠縣。神功元年

省入焉。在大磧外。南去玉門關八百里。

五代史高居誨記沙州西曰仲雲。其牙帳居胡盧磧云。仲雲者小月支之遺種也。胡盧磧漢明帝時征匈奴。屯田於吾盧。蓋其地也。地無水而常寒。多雪。每天暖雪消。乃得水。匡鄴等西行入仲雲界。至大屯城。

宋史高昌傳王延德使高昌。歷伊州。州將陳氏其先自唐開元二年。領州凡數十世。唐時詔勅尙在。次歷益都。次歷納職城。在大患鬼魅磧之

欽定皇輿西域圖志卷九 疆域二

東南。望玉門關甚近。

明史哈密傳洪武中太祖定輝和爾舊作畏兀兒。今改正。地。漸逼哈密。昂克特穆爾舊作安克帖木兒。今改正。遣使朝貢。永樂二年。封忠順王。四年。立哈密衛。八年。封

托里特穆爾舊作托里。今改正。爲忠義王。宣德元年。命布達錫里舊作布達。今改正。嗣忠順王。自是二王

並貢。其地北衛拉特舊作瓦剌。今改正。西土爾番舊作吐蕃。今改正。

番。今東沙州罕東赤金諸衛。衛拉特會額森舊作額森。今改正。兵圍哈密。取王母北還。天順四年。王卒。

母弩溫答失里主國事。七年。北舍寄寄肅蘭舊作

化二年。擢巴圖穆爾。兄。舊作把。木。今改正。為右都督。搦

國事。八年。子哈森。舊作。今改正。嗣職。土爾番襲破

其城。十年。命哈森權主國事。築苦峪城。移哈密

衛于其地。十八年。哈森襲破哈密。還居故土。弘

治元年。封忠順王。土爾番阿哈麻。舊作。今改正。黑誘

殺之。據其地。二年。都指揮阿穆呼朗。舊作。今改正。水

襲破之。三年。立善巴。舊作。今改正。為忠順王。六年。

阿哈麻襲哈密。執善巴。擒阿穆呼朗。支解之。七

年。廷臣請令都督昂克波賴。舊作。今改正。克字。總理

哈密。且修苦峪城。凡番人散處甘涼者。令悉還

其地。後諸番以朝廷閉關絕貢。不得入。咸怨阿

哈麻。乃歸善巴。仍其舊封。自是哈密復安。十八

年。封善巴子巴雅濟。舊作。今改正。牙。為忠順王。正德

八年。叛入土爾番。莽肅爾。舊作。今改正。滿。遣和卓塔

濟丁。舊作。今改正。據哈密。十二年。莽肅爾移居

之。分兵據沙州。入寇。後復入貢。而王迄不還。自

是置哈密不問。後為沙巴達。舊作。今改正。子彌爾瑪哈穆。舊作。今改正。馬。所有。服屬土爾番。猶比歲一貢。迄隆慶萬厯間不絕。然非忠順王苗裔矣。

按徽外山川部落。名號代殊。依類推求。務詳厥始。伏讀

御製哈薩克使臣至令隨圍獵詩跋云。史稱大宛東則扞采于闐。扞采音韻與今之哈密為近。或又以為哈密為古伊吾。引歷代開田屯兵建設州縣為

據然焉。知非漢占伊吾之地。屯田設戍而扞采乃西遷。近于闐而居乎。又安知非中國寢微而扞采仍來其故處乎。臣等綯繹

聖訓。考証史書。前漢書載陽關西一千六百里至鄯

善。又西七百二十里至且末。又西二千里至

精絕。又西四百六十里至扞采。又西三百九

十里至于闐。是前漢時扞采。固在陽關西四

千七百里外。其時尚未取伊吾虛地也。惟是

伊吾與哈密。音不相類。意扞采國人。嘗居此

中國少數民族古籍集成(漢文版)

漢以後西北各民族·近代綜述

〇〇六

因轉扞采爲哈密。如和闐之爲古于闐理或然也。其扞采國遷徙之蹟。雖不可考。要之哈密爲扞采轉音。則較然不誣。嘗推而論之。漢車師前部高昌壁。今闐展地。在哈密西八百里。後漢書稱伊吾北通車師前部二千二百里。方隅道里。似不相合。然考明帝取伊吾虛地。遂通西域于闐諸國。知漢時伊吾。東西境甚廣。今自闐展南踰大磧。更南行當玉門。陽關之西。與漢鄯善國地。南北相直。班志謂涉

欽定皇輿西域圖志

卷九

疆域二

七

鄯善北通伊吾。自伊吾北通車師者。其南北亦相直。知當日鄯善北車師南尙屬伊吾西境。隋薛世雄度大磧而築城留戍。其境亦在高昌南也。若魏高祖欲以伊吾五百里地。封高昌王。去高昌四百里。迎韓安保而安保不至。還伊吾。所謂五百里伊吾地。在高昌東南四百里外可知。今自哈密西行。至闐展。適在四百里外。而自哈密西南行。至博羅圖阿端敦煌縣交界四百餘里。至星星峽。蘆岡泉與

安西州本境交界五百餘里。應卽當時欲封高昌王地。蓋今哈密。止兼有唐時伊州屬之伊吾柔遠兩縣地。而所謂納職縣者。應在今安西州西境外地。與漢時伊吾虛故地無涉。蘇木哈喇城。

蘇木哈喇城。亦名頭堡。東距哈密城六十里。其東南境村莊凡五。泉二十五處。

魏書帝紀太和十二年。蠕蠕伊吾戍主高羔子。以城內附。

欽定皇輿西域圖志

卷九

疆域二

八

唐書西域傳伊吾城者。漢宜禾都尉所治。商胡雜居。隋末內屬。置伊吾郡。天下亂。復臣突厥。貞觀四年。城會來朝。頡利滅。舉七城降。列其地爲西伊州。

明史哈密傳成化十八年。哈密右都督哈森夜襲哈密城。破之。雅蘭舊作牙蘭。今改正。遁走。乘勢連復八城。遂還居故土。

按唐書載伊吾七城。明史載哈密八城。今哈密西境凡五堡。得五城。其東境亦多回民聚

處。七城八城之舊。大槩可見。至建置之始。在漢築有伊吾城。魏高羔子以城內附。隋薛世雄於漢伊吾城東築城。號新伊吾。與今新舊諸城方位異同。則未宜強附耳。

阿斯塔納

阿斯塔納。亦名二堡。在蘇木哈喇亥西二十里。東距哈密城八十里。境有村莊凡三。泉二十三處。

托郭樓

托郭樓亦名三堡。在阿斯塔納西北四十里。東距哈密城一百二十里。境有村莊凡五。泉十三處。最著者白楊溝柳樹泉。二水南流。數里乃合。拉布楚喀。

拉布楚喀。亦名五堡。在托郭樓西南二十里。東距哈密城一百四十里。境有村莊凡十三。泉九處。小河一道。

哈喇都伯

哈喇都伯。亦名四堡。在拉布楚喀西二十里。東

距哈密城一百六十里。境有村莊凡二十三。泉八處。迤北二十里有大泉流水成渠。

賽巴什達里雅

互見水。

賽巴什達里雅。在哈密城東北二十里。地以湖名。其東北境爲牛毛湖。兩湖左右。皆有屯田。

見屯。

政門。

格子烟墩

格子烟墩。在哈密城東南二百十五里。自城東南行七十里爲西黃蘆岡。又東行七十五里爲

西長流水。又東南行七十里至此。

按元和志柔遠縣西北至伊州二百四十里。古人計地。自某縣至某縣。皆據地中以起數。不指邊境而言。則所謂二百四十里者。由柔遠縣城至伊州州城之數也。今格子烟墩北至哈密城二百十五里。以古今丈尺計之。則柔遠故城當在於是。

星星峽

互見山。

星星峽。地以峽名。在格子烟墩東南二百八十

中國少數民族古籍集成(漢文版)

漢以後西北各民族·近代綜述

〇〇八

里。西北距哈密城四百九十里。自格子烟墩東南行一百五十里爲苦水。又東南行八十里爲沙泉子。又東南行五十里至此。爲哈密東南境。接安西州界。雍正十三年。征進噶爾出師於此。修塗轉餉。有民人楊可祿修路碣記。

〔北魏蠕蠕傳〕其常所會庭。則敦煌張掖之北。

〔元和志〕柔遠縣西北至伊州二百四十里。縣東有柔遠故鎮。因以爲名。

楊可祿修路碣記

欽定皇輿西域圖志

卷九

國城二

二

皇威震疊。底定西酋。整厥虎旅。駐於伊州。啟拓疆宇。騰聲遐陬。輓轡飛挽。駕馬服牛。地靈取順。荒磧泉流。惟山磊砢。輪蹄是憂。聿來善民。攬剔平修。王道坦蕩。振古長留。

按北魏蠕蠕邊界。西抵焉耆。南臨大磧。而常所會庭在敦煌之北。當焉耆大磧東南境。今自星星峽。半池泉。博羅圖阿。滿進西北分道。以達於哈密。皆其地也。今之哈密。唐爲伊吾縣。在伊州郭下。柔遠縣在伊州東南。今自星

星星峽至哈密。屬東南境。當在唐柔遠縣地。多都摩垓。

多都摩垓。在哈密城東二百十里。東西皆有泉。源出天山北麓。夾流過多都摩垓北。合流百餘里。潯爲大澤。

德都摩垓。

德都摩垓。在多都摩垓東北七十里。西南距哈密城二百八十里。東西皆有泉。卽塔勒納沁河之北流也。爲哈密東北境。自德都摩垓西北行

欽定皇輿西域圖志

卷九

國城二

三

一百二十里。至圖古里克。接鎮西府界。又自哈密城北八十里至黑帳房。又北二十里爲長山子。又北二十里爲南山口。是爲哈密北境。接鎮西府松樹塘界。

塔勒納沁

塔勒納沁。在哈密城東北二百二十里。土城一有屯田。見屯門。

半池泉。

半池泉。地以泉名。在塔勒納沁東南二百五十

里。自塔勒納沁東南行五十里爲沙泉子。又東南五十里爲瑣瑣阿卜。又東南一百五十里至此。爲哈密東南境。接安西州界。

按自半池泉至塔勒納沁。屬哈密東南境。以元和志柔遠縣西北至伊州二百四十里之文考之。蓋亦柔遠縣地。

柳樹泉。

柳樹泉。地以水名。在哈密城南六十里。踰河而至。其東南六十里爲哈什泉。又一百三十里爲

酇水。又八十里爲大泉。一帶山泉饒裕。

博羅圖阿滿。

博羅圖阿滿。在哈密東南四百里。經柳樹泉。哈什泉。酇水。大泉至此。爲哈密東南境。接安西州屬敦煌縣北界。

按古伊州所屬伊吾柔遠二縣。伊吾居柔遠之西。今自安西州北至哈密之道。偏東。屬柔遠縣故地。則自敦煌縣北之青墩峽。出博羅圖阿滿。由柳樹泉至哈密之道。偏西。應屬伊

吾縣故地也。

又按舊一統志載自安西鎮。抵哈密分二道。一由安西鎮爲東道。一由沙州爲西道。後因安西鎮爲往來總匯。始專行東道。卽今由得勝墩。經格子烟墩至哈密之路。乾隆二十七年。移設安西府於敦煌。專行沙州之西道。三十二年。仍改由東道云。

以上屬哈密。

察罕和羅海

察罕和羅海。在哈喇都伯城西七十里。哈密西境外。南臨大磧。

內勒滾

內勒滾。在察罕和羅海西七十里。地多碎石。有水草。南臨大磧。

阿薩爾圖。

阿薩爾圖。在內勒滾西六十里。南有澤名沙拉淖爾。又南臨大磧。

伊里克庫木。

中國少數民族古籍集成(漢文版)

漢以後西北各民族·近代綜述

〇一〇

伊里克庫木。在阿薩爾圖西六十里。地無水草。南臨大磧。

察克瑪克塔什。

察克瑪克塔什。在伊里克庫木西六十里。地無水草。南臨大磧。

額什墨。

額什墨。在察克瑪克塔什西五十里。南臨大磧。又西一百五十里至洪。入闢展界。自伊里克庫木以西皆沙磧。至此則沙磧之內。微有水草云。

欽定皇輿西域圖志

卷九

疆域二

三

按自察罕和羅海至此。南境皆臨大磧。今考唐書吐蕃傳。吐蕃長鼓右驅。踰高昌。歷車師。鈔常樂。絕莫賀延磧。以臨敦煌。又河源東北。直莫賀延磧尾。殆五百里。磧廣五十里。北自沙州西南入吐谷渾。寢狹。故號磧尾。西域傳。自隋亂。磧路閉。故西域朝貢者皆道高昌。突騎支請開大磧道。以便行人。又宋王延德高昌行紀。歷伊州。次歷益都。次歷納職城。在大患鬼魅磧之東南。無水草。載糧以行。凡三日。

息鬼谷口避風驛。凡八日。至驛田寺。次歷地名寶莊。又歷六鍾乃至高昌。據此則察罕和羅海至額什墨以南之大磧。當屬唐之莫賀延磧。高昌王突騎支。請開以便行人者。在宋則爲大患鬼魅磧也。

以上屬哈密境外地。

鎮西府

即巴爾庫勒屬。

統縣二。宜禾。奇臺。東至圖古里克。接喀爾喀界。西至乾溝。接迪化州阜康縣界。南至天山。踰山接哈密界。北至哈布塔克。接

欽定皇輿西域圖志

卷九

疆域二

六

天山北路界。

鎮西府治。

鎮西府治。在巴爾庫勒東南。距哈密三百三十里。距京師七千五百里。南界天山。西隱平岡。西北有巴爾庫勒淖爾。周一百二十餘里。終山北麓。原泉競發。分爲三河。匯入大澤。水氣浸潤。庶草繁廩。地宜畜牧。居天山之陰。氣候多寒。本朝康熙五十四年內屬。雍正九年。築巴爾庫勒城。周八里。高二丈。東西南北四門。初以安西同

知駐防其地。乾隆三十八年。置鎮西府。以巴爾庫勒城爲府治。城內有

萬壽宮。

文廟。城隍廟。城西南有龍王廟。城東有城。周六里。爲滿洲兵弁駐防之所。亦建

萬壽宮。

關帝廟。城西北三里。別建

關帝廟。廟前有漢敦煌太守裴岑碑。

漢敦煌太守裴岑祠碑文。維漢永和二年八月。

欽定皇輿西域圖志

卷九

疆域二

七

敦煌太守雲中裴岑。將郡卒五千人。誅呼衍王。壽。斬臧部衆。克敵全師。除西域之灰。蠲四郡之害。邊境乂安。振威到此。立德祠以表萬世。

漢書武帝紀。貳師將軍與右賢王戰于天山。注云近蒲類國。西域傳。匈奴東蒲類王茲力支。將人衆千七百餘人。降都護。都護分車師後王之西。爲烏貪訾離地以居之。

按鎮西府於前漢爲匈奴東蒲類王茲力支地。後漢屬伊吾盧地。後魏屬蠕蠕。隋屬伊吾

郡。後入突厥。唐屬伊州伊吾縣。明屬衛拉特。

舊作五刺今改正此前代沿革大略也。至漢時蒲類

部落不一。其王名茲力支者。爲東蒲類國。故

曰匈奴東蒲類王也。其治天山西疏榆谷者。

在卑陸。且彌諸國之西。爲西蒲類國。故西域

傳。蒲類國治天山西也。又據後漢書西域傳。

蒲類本大國。其王得罪單于。徙蒲類人六千

餘口。內之匈奴右部阿惡地。右部當居西鄙。

則其國本在東陲可知。惟其得罪單于。是以

欽定皇輿西域圖志

卷九

疆域二

六

西降都護。既降之後。居烏貪訾離地。在今闐展西北。未降之前。所謂東蒲類者。當在今闐展之東。應屬今鎮西府境。更以後漢書班超傳注蒲類海在敦煌北之文証之。又當在敦煌之北。則今之巴爾庫勒淖爾。卽漢蒲類海。今之鎮西府。卽漢東蒲類茲力支故地也。至漢永和碑。爲後漢明帝之十有二年。史傳不著其事。疑當時敦煌郡人。爲裴岑建祠而立。後乃改祠爲廟耳。

宜禾縣治。

宜禾縣。乾隆三十八年設。與鎮西府同治。東南至南山口二百五十里。東北至鹽池百六十里。西至噶順三百四十里。南至大山十里。北至三塘一百六十里。自縣治東北行五十里。歷五墩至屯田處。地名朴城子。有四莊。見屯門。

鏡兒泉

鏡兒泉。在宜禾縣治西北六十里。自縣治西北行五十里。歷五墩。又十里至其地。自鏡兒泉折而西南行二十里至三個墩。又西南行繞巴勒庫爾之西五十里爲肋巴泉。

木城。

木城在宜禾縣治北九十里。西南境有石城子。自鏡兒泉東北二十里至石城子。又東十里至其地。

三塘。

三塘在木城北七十里。南距宜禾縣治一百六十里。自木城東北行二十里至柵門口。踰山五

十里至其地。

石人子

石人子。在宜禾縣治東五十里。自縣治東歷固原堡大泉至其地。其西南境有東黑溝。

奎蘇。

奎蘇。在石人子東四十里。西距宜禾縣治九十里。當巴爾庫勒淖爾發源處左右兩流之間。

松樹塘。

松樹塘。蒙古語名招摩多。在奎蘇東南九十里。

欽定皇輿西域圖志

卷九

疆域二

三

西距宜禾縣治一百六十里。是爲縣東南境。南踰庫舍圖達巴。至南山口。接哈密界。

沙山子。

沙山子。在石人子東北八十里。踰巴爾庫勒淖爾三河源至其地。

呼濟爾台。

呼濟爾台。在沙山子東二十里。西南距宜禾縣治一百五十里。其東南踰山十里有鹽池。

唐書地理志伊州伊吾縣南二里有鹽池。

〔元和志〕陸鹽池。在伊州南六十里。周迴十餘里。無魚。水自生如海鹽。月滿則鹽多而甘。月虧則鹽少而苦。

按唐書及元和志俱載鹽池在伊吾縣南。若以宜禾縣東北境之鹽池當之。方位不合。而舍此無所謂鹽池者。疑唐時縣治。尙在今鹽池北境。說詳後哈喇和屯條。

圖古里克。

圖古里克。在呼濟爾台東一百四十里。西距宜

欽定皇輿西域圖志

卷九

國城二

三三

禾縣治二百九十里。又東南行一百二十里。至多都摩核。接哈密界。

哈喇和屯。

哈喇和屯。在圖古里克北三十里。

按唐伊州伊吾縣故城基址。史無明文。以元和志新唐書伊吾縣南有陸鹽池及鹽池海之說推之。是當時縣治在鹽池北也。若以今哈密城鎮西府城當之。則鹽池在城東北。不在城南。而今哈喇和屯。則適居鹽池之北。疑

中國少數民族古籍集成（漢文版）

欽定皇輿西域圖志

〇一三

屬唐時伊吾縣故城也。蓋歷代置立州縣治所。不必一處。疑漢伊吾舊城。隋伊吾新城。皆在今哈密。至唐景龍四年於伊州西北三百里置伊吾軍。乃移建縣治於此。今之哈喇和屯。殆卽其遺址。故南有鹽池。形勢相合耳。

度濟。

度濟。在宜禾縣治西九十里。北有小山。東曰尖山子。西曰獨山子。又自獨山子西南六十里至托來達巴。

欽定皇輿西域圖志

卷九

國城二

三三

庫爾墨圖。

庫爾墨圖。在度濟西三十里。東距宜禾縣治一百二十里。又西六十里爲巴叻泉塘。哈畢爾噶布拉克出其地。

西里克拜姓。

西里克拜姓。在庫爾墨圖西北一百十里。東南距宜禾縣治二百三十里。西有烏爾圖水塘。烏爾圖布拉克出其地。

〔元和志〕伊吾軍。在伊州西北三百里。折羅漫山

北甘露川。置刺史爲使。景龍四年置。

按庫爾墨圖。西里克拜姓。皆在鎮西府西北境。與元和志載伊吾軍去伊州道里相近。哈畢爾噶布拉克烏爾圖布拉克。在其左右。或卽甘露川之遺跡歟。

噶順。

噶順。在西里克拜姓西南一百里。東北距宜禾縣治二百七十里。有泉出山下南流。其北四十里爲鄂籠吉。有舊城。噶順西接奇臺縣界。

欽定皇輿西域圖志

卷九

疆域二

三三

以上屬宜禾縣。

奇臺縣治。

奇臺縣治。東距府治六百九十里。縣治東至噶順溝三百七十里。接宜禾縣界。西至乾溝一百十里。南至南山。北至葦湖。西域平後。於奇臺設堡。乾隆四十一年改設奇臺縣。城內有

文廟。

關帝廟。城西南有奇臺堡二。又南有龍口堡。渠河出南山下。環抱縣治及諸堡左右。稍東有英格

布拉克。出天山下北流。奇臺堡北有奇臺塘。

濟爾瑪台。

濟爾瑪台。在縣治東九十里。濟爾瑪台布拉克。出天山下北流。東西各建堡。一名西濟爾瑪台堡。一名東濟爾瑪台堡。有屯田。見屯政門。

木壘。

木壘。在濟爾瑪台東十里。負天山之陰。地廣饒水草。宜耕牧。東扼巴爾庫勒。西通烏魯木齊。舊爲聲援要地。乾隆十九年。大兵進討準噶爾。駐

欽定皇輿西域圖志

卷九

疆域二

三三

營於此。有木壘城。東距奇臺縣治百里。城東南別有舊城一。雍正年間築。東北境有木壘堡一。木壘布拉克出南山下北流。過舊城西。又經新城東。環堡左右。其東北境有木壘塘。有屯田。見屯政門。

按後漢書伊吾五百里。北通車師前部。又五百里。北通後部金滿城。今哈密爲漢伊吾。闢展爲漢車師。前部則後部金滿城。當在天山北境。唐爲金滿州。又爲金滿縣。今奇臺縣屬